



Comunicado di prensa

26 di september 2025

CAft: "Siguiendo cu reformanan, ta tene cuidu pagabel"

Oranjestad – Desde 2023, Aruba ta realisando surplusnan, y anualmente e pais ta amortizando debe. Hunto cu e crecimiento economico, esaki ta pone cu e ratio di debe ta baha rapidamente. Na mes momento, e fundeshi ainda ta vulnerabel: e gastonan di interes ta keda sumamente alto y debi na e envehecimento di poblacion den futuro e gastonan di cuidu lo forma un parti tur biaha mas grandi di e presupuesto. Ademá, CAft ta señala riesgonan respecto di e hospital. Reformanan ta keda necesario pa salvaguardia sostenibilidad di finanzas gubernamental.

Cuidu na prueba di futuro

CAft ta constata cu riba algun area di cuidu, Aruba ta muestra desaroyonan positivo. Por ehemplo, a reduci e ratio di cuidu di 8,7 por ciento di e producto nacional bruto (bbp) na 2023. Control di e gastonan di cuidu si ta keda importante considerando e hecho cu poblacion lo sigui enbehece. Den e marco aki, ta positivo cu AZV ta trahando riba e adopcion di un perspectiva riba termino largo y e aplicacion di un marco di gastonan multianual como instrumento di control.

Aruba ta implementa reformanan manera a ser inclui den e acuerdo di cuidu. Den e contexto aki, e énfasis ta riba alivio di cuidu hospitalario fortaleciendo e funcion di *gatekeeper* di dokternan di cas, y promocion di prevencion. Na mes momento, mester di maneho pa acomoda e demanda creciente pa cuidu a largo plazo. Actualmente, e gastonan pa cuidu di hende grandi ainda ta limita, pero debi na e envehecimento di poblacion, lo tin tur biaha mas demanda di cuidu. P'esey, ta necesario pa haci escogencianan desde awor cu ta yuda tene cuidu pagabel y na prueba di futuro.

Den combersacionnan cu varios partido, a menciona e deficiencianan den e edificio di hospital. Si no haya solucion, tin riesgo cu cuidu ta keda perhudica. Considerando e funcion di cuidu vital, ta importante pa tur partido asumi nan responsabilidad, y yega na un enfoque conhunto tocante di e asunto aki mas pronto posibel.

Drecha e fundeshi

A pesar cu desde 2023, Aruba ta realisando surplusnan y e ratio di debe ta baha rapidamente, e gastonan di interes ainda ta pisa hopi; actualmente, 16 por ciento di e presupuesto ta dedica na interes. P'esey, reduccion di debe ta keda esencial, y ademá ta crea espacio den e presupuesto pa reformanan den cuidu. Den e marco aki, CAft ta hala atencion riba e exceso di mas cu AWG 500 mion cerca AZV y Sociale Verzekeringsbank cu por emplea (parcialmente) pa amortisacion di debe, teniendo na cuenta e obligacion legal pa tene un reserva.

Banda di esaki, CAft ta muestra riba e importancia di supervision y maneho mas estricto di entidadnan gubernamental. Den e marco aki, elaboracion di un politica di participacionnan y dividendo ta un precondition. Ademá, implementacion rapido di bon corporate governance ta esencial.



[Fin di comunicado di prensa]

Fotograf: Nathan Roosberg

Descripcion di potret: Si no haya solucion pa e deficiencianan den e edificio di hospital, tin riesgo cu cuido ta keda perhudica.

Nota pa e redaccion – no publica

Persona di contacto di Cft:

Secretariado di Colegionan di supervision financiero

Han van Midden – Secretario

Telefon +5999 461-9081 / +5999 461-9082 / +5999 461-9084

Coreo electronico info@cft.cw

Website www.cft.cw

Contactonan di prensa:

Jefka Alberto

Telefon +5999 512-6861